

皆大歡喜 二集

孝德專號

皆大歡喜

第二集

上海世界新聞社印行

本書認印芳名

佛教蓮友社

三十元

邵毅甫居士

十三元

金智高居士

八元

張子成居士

二元

金弘恕居士

一元

李圓淨居士

二百冊

以上共印一千六百五十冊

餘由世界新聞社承印流通

願以此功德

普及於一切

我等與衆生

皆共成佛道

皆大歡喜第二集

民國廿七年八月初版二千五百冊

流通價每冊八分

如荷 大德善信整購多數分送
結緣十冊起八折五十冊起七折

編者無母居士

(發行處)世界新聞社

上海慕爾鳴路一百一十一弄六號

(寄售處)佛學書局總分局

(總局)上海愚園路(分局)新聞路麥
特赫司脫路口及山東路有正書局內

(印刷處)國光印書局

上海南成都路新大沽路口丁四十號

皆大歡喜第一集內容

再版
已出

(正文)(一)唐太君灰跡生蓮(二)李少川燭光現字(三)彌陀聖號救產厄(四)甘露神呪度牛冤(五)金志騫供佛療癰(六)張氏婦嗜蟹慘死(七)王孝子捨身無恙(八)杜監委自殺抉微(九)陶思瑾懺罪學佛(十)張宋氏附體復仇 (附錄)八大人覺經偈(二)普賢行願品偈(三)釋門之大孝(四)歐美哲人嘉言一斑(五)寶華寺人手豬照相(六)人手豬參觀記(七)十惡十善略釋(八)祝願平治偈

皆大歡喜第二集內容

初版
已出

(正文)(一)李貴和人面瘡(二)王辛伯癌瘤(三)譚天蔭肺病(四)華梅修肺病(五)樂媿也膝關節炎(六)梁宗灝臂痛(七)高明月瞽目(八)王雨文痞塊(九)黃覺根乳癌(十)祝氏膈食症田氏對口疽(十一)姜國華輾傷(十二)劉香渠腸疾(十三)劉冕執疾革(十四)鄭慧淨頸斜(十五)顧顯鶴肋膜炎(十六)黃伯樵眼疾(十七)黎氏對口疽(十八)余水生瘋痺(十九)包樂登屢難(二十)史脫勞斯眼疾 (附錄)(一)序(二)周安士法語(三)無常經偈(四)綠度母呪(五)多尊者法語(六)大醫王神方(七)水懺之一節(八)反觀法

附 錄

- 一．龍舒淨土文語
- 二．李基鴻爲亡母誦經呈文
- 三．錫類詩文選
- 四．教孝嘉言
- 五．報答親恩之方便門
- 六．報恩方便事證
- 七．歐美哲人嘉言一斑（續）
- 八．林肯事略
- 九．劉顯亮警世照相及說明
- 十．妙不妙歌

奉養甘旨。爲世間之孝。勸父母修淨土。爲出世間之孝。蓋世間之孝。一世而止。猶爲孝之小者。出世間之孝。無時而盡。以父母生淨土。福壽不止如恆河沙劫。此莫大之孝也。父母存。而不能以此勸勉。他日徒傷其心。徒爲厚禮。亦何益乎。~~~~~龍舒淨土文~~~~~

●妙不妙歌

~~~~~願生生父母都歸極樂~~~~~

我生父母勞。我長父母老。待我亦老時。哀哀父母身都  
杳。今朝我老兒年長。回首思量。不堪俯仰。人生歲月  
有多少。少樂多煩惱。不愁境艱難。便苦病纏繞。縱令  
有福享到老。怎奈何耳聾目眊。兩鬢蕭蕭。齒落牙搖。  
就有那美色好音。也難分曉。滿席前海味山珍。何嘗能  
飽。一朝壽盡閻王叫。捨不得富貴功名。技術文章。豔  
妾嬌妻。也只得付給黃土一堆草沒了。勸世人。回頭早  
。專心一句彌陀好。願生生父母都歸極樂琉璃沼。一朝  
修得到西方。身坐蓮華無量寶。免生生業海輪迴。流落  
在地獄餓鬼畜生道。問世人。妙不妙。

劉顯亮居士警世照像

(上) 四十歲所照



(下) 五十四歲所照



鄙人無鬚之像。係四十歲所照。有鬚者。係五十四歲所照。相隔只有十四年。便老得這個樣子。老苦將到。死苦未來。卽是如來所謂可憐憫者。古德偈曰。是日已過。命亦隨滅。如少水魚。斯有何樂。當勤精進。如救頭然。但念無常。慎勿放逸。此偈不但自警。大可藉此警人。只有勤修福慧。勿墮慳貪。以作往生資糧。念佛工夫。不可間斷。汝等青年。莫恃光陰尙長。尤當奮迅修道。名賢集云。年少莫笑白頭翁。花開能有幾時紅。語錄云。莫待老來方學道。孤墳多有少年人。已往殷鑑。歷歷在目。請諸公注意是荷。民國二十七年戊寅歲仲春。劉顯亮謹誌。

# 皆大歡喜第二集目次

## 正文

- 一．魏母刲臂兒女燃香
- 二．游子誦經慈親離垢
- 三．篤孝心立起膏肓病
- 四．神呪力潛消牢獄災
- 五．剃工學士受政府榮褒
- 六．淑媛賢姝爲故都生色
- 七．冥官送孝丐昇天
- 八．使女拜懺文癒父
- 九．立願禱藥痼疾回春
- 十．拚死殉棺驟雨滅火
- 十一．陳妙嚴輟學侍重闈
- 十二．汪靜珊割肉奉舅父
- 十三．乖戾男撞車送命
- 十四．忤逆子遇獸喪生
- 十五．醫官長追讚善良兒
- 十六．大主教慨斥放逸女

# 皆大歡喜第二集

無母居士編

## (一)

▲魏母割臂兒女燃香

清季湖南魏默深先生。以經師入佛。精修淨業。於佛前發誓。願不信三寶者弗生我家。故其家數代。男女皆信佛。其孫媳陳夫人。十二歲時。割臂療其母病。終身不言。項悟源居士撰魏母割臂療親記。聶雲台居士爲書後。闡揚孝德之可貴。皆極有價值。彙錄如左。——編者——

### 項居士撰記

純孝 魏母悟證居士者。清季湖南郴州詩人陳筠心先生無爲之孫女。邵陽佛學鉅子魏默深先生之孫媳也。其

第三子勛。字述先。法名真安。與予相善。述母逸事。有足以風世勵俗者。母十二歲。侍母家居。父適遠出。深夜中。其母突患失血。狂咳不止。家無男子。母驚惶失措。遂剪左臂肉一條。煎湯以進。其母飲之。血立止。然數十年來。未嘗與人言及。雖兒女亦不知也。民國十七年丁卯。母年七十三矣。冬間有疾。述先念母衰老。世間之供養力不從心。乃發心爲求助道之法。於十二月十八日。燃香左臂。爲母發願求三業清淨。是月二十三夜。母忽現衰弱無力之相。呼吸微弱。家人悉起念佛。至歲除夕。述先復燃香右臂九炷。爲母發普賢十大願。戊辰正月十五夜。女悟進爲母燃香左臂三炷。十六晨。更爲母燃右臂六炷。三月朔日。述先及妹悟香悟進各爲母燃香三炷。母聞之。乃呼諸人至榻前。語曰。吾於十二歲時。割臂療母。初無望報於兒女之心。不意吾病而兒

女復爲我燃香如許。感應有如此者。因露左臂以示之。則割肉處刀痕宛然。長約三寸。寬約七八分。見者皆感泣。時母年七十有四。卽於三月六日辰刻含笑合掌而逝。嗚呼。母之所爲。豈非純孝之心合乎大乘經無爲之道者耶。當母刲臂時。志在救親。匪求名聞。故絕口不談者數十年。天乃於母暮齡。特啓其兒女篤孝之行以彰之。機應之感。誠有不可思議者矣。悟源獲交逃先。見其數數燃香。心竊敬異。旣而察其中心發願。無一不爲其母回向衆生。同人中多感慕而爲之者。悟源亦其一人。今觀母逸事。乃知逃先之孝實導源於其母。母刲臂救親。旣無爲而爲。兒女燃香奉母。亦有加無已。信乎孝經所云。孝悌之至。通乎神明。其言爲不虛也。世道衰微。孝道之不明久矣。身者受之父母。撫養教育二十年。始能自謀衣食。甚則娶妻生子。亦賴父母之資財。而世人知

感恩圖報盡心孝養以期父母身心得安者則少。故古之聖哲。特著重孝道以立教。使人知義務之所當盡。其裨益羣治者。實非淺鮮。近年輸入歐美輕視父母之薄俗。更以不養父母爲當然。少則賴其恩養。長則爭其遺產。自己有私財。則棄父母於不顧。而以小家庭享樂爲目的。父母衰老貧困。疾病流離。則以諉卸於慈善養老院。此等人於權利則趨之。於義務則逃之。積多數趨利忘義之人以成國家。馴至政治腐化。社會墮落。實業失敗。國力凋敝。而我之敵國。方且講忠勸孝。教其人民尙禮守法。爲國効死。以故百業振興。國勢強大。謀國者當知彼知己。審知彼我強弱之故。由於立教旨趣之不同。而影響於國家效能者如此其鉅。盍亦反其本矣。

**眞心** 其杰謹按。佛者梵音。譯爲覺義。佛法者。覺之能捨道也。何謂覺。修一切善謂之覺。作不善謂之迷。

何謂善不善。克己利人謂之善。私欲利己謂之不善。是故善法在於利人。六度萬行。貴於能捨。語云。百行孝爲先。夫孝者。當於報恩心供養心。攝於布施。居六度之首。孝至於割肉。其心至眞至實。此卽大慈悲心。無爲心。而與無上菩提相應。故佛言孝順父母是淨業正因。觀魏母割臂療親。歷六十年之久而人無知者。蓋純孝之心出於至誠。不取於相。故能始終不露也。金剛經云。發無上菩提心。應如是降伏其心。度盡衆生而不見有衆生得度。謂無邊功德而不自覺其有功德也。是謂無相。又云。布施不住於相。其福德不可思量。蓋布施而無相。卽般若波羅蜜成就。又卽六波羅蜜同時成就。而至孝之人能自然合乎此旨。地藏經云。若人具大慈

悲心。布施一最下貧窮癯殘暗啞。加以軟言慰語。是人所得福利。等於布施百恆河沙佛功德之利。此與金剛經義互相發明。所以者何。大慈悲心。眞實無漏。卽是無人我相。故功德之大至於不可思議也。然而無相之心。最難最難。雖人人能言之。未能行也。惟愛親之心。自幼養成。孝親之心。易於眞實。佛法雖難。孝則易入。故佛說法。特重孝德。弘揚孝道之經。多至數十百種。（釋門眞孝錄。輯諸經論之勸孝者。多至六十餘種。佛學書局出售。）大方便佛報恩經云。如來爲孝養父母。知恩報恩故。故得成正覺。大乘本生心地觀經云。是故汝等。勤加修習。孝養父母。若人供佛。福等無異。大般涅槃經云。施三種人。果報無盡。一病人。二父母。三如來。四十二章經云。凡人事天地鬼神。不如孝其二親。二親最神也。睽子經云。使我疾成無上正眞道者。皆由

孝德也。其他類此者尙多。不能備舉。垂訓如此其諄切。學佛者可於此深長思也。故學佛者貴根於心。慈悲喜捨。饒益衆生。我亦如是。念念隨學。若夫慳貪愛欲。不能自勝。名聞利養。不能解脫。外襲淨業之迹。而中無其實。是自欺而已矣。如是之人。欲冀報盡往生淨土。不墮三塗惡道。而臨命終時。逆緣紛至。業力橫牽。或則挂戀俗緣。或則昏迷不覺。淨土不得現前。往生未能成就。如此者比比皆是。所以者何。因地不真。故果招迂曲。所謂淨業者。洗滌其心。使離塵垢。凡貪欲愛著及人我相。皆是垢染。與淨業不相應。學人於此。當具捨心。捨心既辦。則垢染易除。淨業得成。孝德之可貴。卽在此能捨之心也。夫能捨之心。不獨使在纏凡夫報盡得生淨土。亦兼能造就人間淨土。使現時卽得安樂。蓋一己能捨。則他人因我而得安。我捨財行方便。則人得

解困苦。我施軟言慰語。而人得離怖畏。豈非當下變三塗五濁爲清淨土乎。人人能如是捨。則世界自然無爭。豈非卽現人間淨土乎。能捨之德大矣。貪私利欲能捨。則多生以來一切罪業染於識神者隨之而捨。如此而淨土不成就者。無有是處。苟不如此。則口念彌陀。心懷貪欲。淨因不眞。而欲淨緣成就。不亦難哉。夫吾人一切罪業。由隨順私欲惱害衆生而起。然則一切功德。當由克勝私欲利益衆生而生。華嚴經普賢行願品云。因於衆生而起大悲。因於大悲生菩提心。因菩提心成等正覺。……是故菩提屬於衆生。若無衆生。一切菩薩終不能成無上正覺。經意甚爲明顯決定。卽謂利益衆生之心不具足者。雖修行淨業。終不能成就。是故眞佛弟子。必先人後己。公而忘私。於親爲孝。於人爲忠。蓋至孝之心。卽至忠之心也。盡己之道而不雜以私利之心謂之忠。忠於